

**283** Sīt ich dir hie gelichez vant.  
 geërt sī diu gotes hant  
 unt al diu crêatûre sîn.  
 Condwiramurs, hie līt dīn schîn,  
 5 sīt der snê dem bluote wīze bôt  
 unt ez den snê sus machet rôt.  
 Condwiramurs,  
 dem gelichet sich dīn bêâcurs;  
 des enbistû niht erlâzen.«  
 10 des heldes ougen mâzen,  
 alsez dort was ergangen,  
 zwêne zaher an ir wangen,  
 den dritten an ir kinne.  
 er pflac der wâren minne  
 15 gein ir gar âne wenken.  
 sus begunder sich verdenken,  
 unze daz er unversunnen hielt.  
 diu starke minne sîn dâ wielt.  
 Sölhe nôt vuogte im sîn wîp.  
 20 dirre varwe truoc gelichen lîp  
 von Pelrapeire diu kûnegîn;  
 diu zucte im wizenlîchen sîn.  
 sus hielt er, als er slief.  
 wer dâ zuo zim lief?  
 25 Cunnewaren garzûn was gesant;  
 der solde gegen Lalant.  
 der sach an den stunden  
 einen helm mit maneger wunden  
 unt einen schilt gar verhouwen  
 30 in dienste des knappen vrouwen.

hie wol glīches \*T

bluote (bōte G) die w. ([\*]: wisse V) \*G (nur GI)  
 snê sô m. \*G \*T  
 sūeziu (frōe I) C., \*G (ohne OLZ)

wiez (Waz O) d. \*G \*T  
 ir w. \*T  
 unde den \*T

gar om. \*G (ohne OZ) \*T

sô daz \*G (ohne Z) \*T

alsoher (alsoher T) nôt half (gehalf I [fūct\*]: fūct V) im sîn wîp. \*G (ohne Z) \*T

diu zuctim wizzenden (witze vnde ōch den V) sîn. \*T  
 alser sliefe \*G \*T  
 zuo im (om. L) \*G (U V) · liefe? \*G riefē? \*T (ohne V)

er (Den Z) s. \*G · an der st. \*T (nur T) (Z)  
 mit manigen w. \*G (ohne OZ) (\*T)  
 ↓\*G \*T

\*D: D \*m: m \*G: G I O L Z Fr30 (283.1–4) \*T: T U V

1 Initiale D O L Z 7 Initiale G 19 Majuskel D 21 Initiale I 23 Majuskel T 25 Initiale T U

17 unze] vür \*m 19 wîp] pris D 22 wizenlîchen sîn] wizzeclich sinne \*m 23 slief] slieft D sliefe \*m 24 zim lief] ime liefe \*m 29 unde (om. L) einen schilt verhouwen \*G (nur GI) · unde  
 einen schilt (schit U) gar zerhouwen (dvrch howen V) \*T